

Na osnovu člana 252. stav (1) tačka 6), a u vezi sa članom 144. Zakona o osnovama sigurnosti saobraćaja na putevima u Bosni i Hercegovini ("Službeni glasnik BiH", broj 6/06), ministar komunikacija i prometa Bosne i Hercegovine, u saradnji sa tijelima nadležnim za turizam, unutrašnje poslove i za promet, donosi

PRAVILNIK

O TURISTIČKOJ I OSTALOJ SIGNALIZACIJI NA PUTEVIMA

POGLAVLJE I - OPĆE ODREDBE

Član 1.

(Predmet Pravilnika)

Ovim Pravilnikom se propisuje vrsta, značenje, oblik, boja, dimenzije i postavljanje turističke i ostale signalizacije na putevima.

Član 2.

(Namjena Pravilnika)

Turistička i ostala signalizacija je namijenjena obavijesti učesnika u saobraćaju o kulturnim, historijskim, prirodnim i turističkim znamenitostima te, ostalim objektima i sadržajima u naselju.

Član 3.

(Turistička i ostala signalizacija)

(1) Turističku signalizaciju na putevima čine:

- 1) znakovi obavijesti o kulturnim, historijskim, prirodnim i turističkim znamenitostima,
- 2) znakovi za usmjeravanje prema kulturnim, historijskim, prirodnim i turističkim znamenitostima i
- 3) znakovi za pružanje turističkih i drugih informacija.

(2) Ostalu signalizaciju u smislu ovog Pravilnika čine:

- 1) znakovi za izraz dobrodošlice i
- 2) znakovi obavijesti za usmjeravanje prema poslovno - trgovačkim centrima, važnim objektima i sadržajima u naselju te ostalim javnim prostorima (izložbe, sajmovi) koji zbog svoje namjene privlače veći broj ljudi.

Član 4.

(Nazivi i simboli)

(1) Na znakovima turističke signalizacije mogu se nalaziti nazivi turističkih odredišta i simboli pojedinih turističkih objekata, odnosno nazivi i simboli zajedno.

(2) Na znakovima ostale signalizacije mogu se nalaziti nazivi i simboli odredišta na koje znakovi upućuju.

(3) Na znakovima turističke i ostale signalizacije mogu se koristiti simboli koji se upotrebljavaju na saobraćajnim znakovima iz grupe znakova obavijesti.

Član 5.

(Jezik i pismo)

(1) Na turističkoj i ostaloj signalizaciji natpisi (jezik i pismo) i sadržaj se ispisuju malim slovima i definiraju prema zahtjevu turističke zajednice/organizacije na području svog djelovanja uvažavajući opća načela ravnopravnosti jezika i pisma.

(2) Nazivi se pišu i na najmanje jednom stranom jeziku.

Član 6.

(Retroreflektujuće osobine znakova na autoputevima i brzim putevima)

(1) Znakovi turističke i ostale signalizacije na autoputevima i brzim putevima (u daljnjem tekstu: autoputevi) moraju imati boje retrorefleksiju klase 2, a na ostalim putevima klase 1.

(2) Kada se turistički znakovi postavljaju s drugim saobraćajnim znakovima moraju biti istih retroreflektujućih osobina.

Član 7.

(Postavljanje turističke i ostale signalizacije)

(1) Turistička i ostala signalizacija postavlja se u skladu sa odgovarajućim odredbama pravilnika o saobraćajnim znakovima i signalizaciji.

(2) Turistička i ostala signalizacija postavlja se s desne strane uz kolovoz, u smjeru kretanja vozila.

Član 8.

(Zabrana postavljanja znaka)

Znakovi turističke i ostale signalizacije ne smiju se postavljati na udaljenosti manjoj od 30 metara od saobraćajnog znaka, kao ni izmelu saobraćajnih znakova propisanih pravilnikom o saobraćajnim znakovima i signalizaciji, s njima kombinirati ili postavljati na istom mjestu.

Član 9.

(Osnovna boja znaka)

(1) Osnovna boja znakova turističke i ostale signalizacije na putevima je smela, a iverice bijele boje.

(2) Umetnuta polja, natpisi i strijelice na turističkim znakovima su bijele boje, a simboli su, u pravilu, crne boje.

Član 10.

(Uvjeti)

(1) Kulturne, prirodne, historijske i turističke znamenitosti, područja i objekti na koje se upozorava i u koje se vodi saobraćaj s turističkom i ostalom signalizacijom, moraju ispunjavati sljedeće uvjete:

- 1) znamenitost, područje ili objekt mora biti uvršten u popis kulturne, historijske ili prirodne vrijednosti,
- 2) znamenitost, područje ili objekt mora biti u općem interesu i njega je u pravilu moguće posjetiti tokom cijele godine,
- 3) pristup do znamenitosti, područja ili objekta mora biti siguran i lahko dostupan širokom krugu učesnika u saobraćaju kojima je namijenjen i
- 4) znamenitost, područje ili objekt mora imati dovoljno mjesta za parkiranje, izgralene sanitarne prostore i organizirano prihvatanje gostiju.

Član 11.

(Odobrenje za postavljanje turističke i ostale signalizacije)

- (1) Turistička i ostala signalizacija postavlja se na osnovu odobrenja nadležnog subjekta, prema postupku propisanom odgovarajućim zakonom o javnim putevima.
- (2) Ako znakovi iz prethodnog stava nisu uključeni u saobraćajni projekt puta, isti će se postavljati i održavati na teret tražitelja.
- (3) Uvjeti postavljanja i održavanja turističke signalizacije reguliraju se ugovorom izmelu turističke zajednice/organizacije i nadležnog preduzeća koje upravlja putevima (u daljnjem tekstu: upravitelj puteva).

POGLAVLJE II - TURISTIČKI ZNAKOVI OBAVJEŠTAVANJA O KULTURNIM, HISTORIJSKIM, PRIRODNIM I TURISTIČKIM ZNAMENITOSTIMA

Član 12.

(Vrste turističkih znakova obavještavanja o kulturnim, historijskim, prirodnim i turističkim znamenitostima)

Turistički znakovi obavještavanja o kulturnim, historijskim, prirodnim i turističkim znamenitostima su:

- 1) znak "obavještajna ploča za kulturnu znamenitost ili objekt" natpisom, simbolom ili likovnim prikazom označava smjer i udaljenosti do kulturne znamenitosti ili objekta,
- 2) znak "obavještajna ploča za historijsku znamenitost ili objekt" natpisom, simbolom ili likovnim prikazom označava naziv, vrstu te smjer i udaljenosti do historijske znamenitosti ili objekta,
- 3) znak "obavještajna ploča za područje prirodne znamenitosti" natpisom, simbolom ili likovnim prikazom označava naziv, vrstu te smjer odvajanja i udaljenost do mjesta od koga se odvaja put koji vodi do znamenitosti na koju se znak odnosi,

- 4) znak "obavještajna ploča za turističku znamenitost ili objekt" natpisom, simbolom ili likovnim prikazom označava naziv, vrstu te smjer i udaljenosti do turističke znamenitosti ili objekta, i
- 5) znak "oznaka turističkog puta" označava mjesto na putu od kojeg je put ili njen dio proglašen kao turistički put (vinska, obalna, panoramska, planinska, banjska i slično).

Član 13.

(Oblik turističkog znaka)

- (1) Turistički znakovi obavještavanja imaju oblik pravougaonika ili kvadrata.
- (2) Turistički znakovi obavještavanja sadrže naziv, simbol ili likovni prikaz turističkog odredišta i udaljenost u kilometrima do određene znamenitosti, objekta ili mjesta od kojeg se kreće prema toj znamenitosti, kao i neka detaljnija objašnjenja vezana za turističko odredište.

Član 14.

(Dimenzije znaka)

Veličine turističkih znakova obavještenja su:

- 1) na autoputevima do 10 m²,
- 2) na magistralnim putevima i putevima rezerviranim za saobraćaj motornih vozila do 6 m² i
- 3) na ostalim putevima do 4 m².

Član 15.

(Prepoznatljivost i razmjerna veličina turističkog znaka)

Veličina simbola i grafičkog prikaza na turističkim znakovima obavještavanja mora biti prepoznatljiva i razmjerna veličini turističkog znaka.

POGLAVLJE III - TURISTIČKI ZNAKOVI ZA USMJERAVANJE PREMA KULTURNIM, HISTORIJSKIM, PRIRODNIM I TURISTIČKIM ZNAMENITOSTIMA

Odjeljak A. Turistički putokazni znakovi

Član 16.

(Definicija i vrste turističkih putokaznih znakova)

- (1) Turistički putokazni znakovi su znakovi koji označuju smjer prema kulturnim, historijskim, prirodnim i turističkim znamenitostima i objektima.
- (2) Turistički putokazni znakovi su:
 - 1) znak "putokazna ploča za usmjerenje prema kulturnim znamenitostima ili objektu", označava smjer kojim se kreće do naznačene znamenitosti ili objekta,

- 2) znak "putokazna ploča za usmjeravanje prema historijskoj znamenitosti ili objektu", označava smjer kretanja do naznačene znamenitosti ili objekta,
- 3) znak "putokazna ploča za usmjeravanje prema prirodnoj znamenitosti ili objektu", označava smjer kretanja do naznačene znamenitosti ili objekta,
- 4) znak "putokazna ploča za usmjeravanje prema turističkom objektu u naselju", označava vrstu i naziv te smjer kretanja do naznačenog objekta,
- 5) znak "putokazna ploča za usmjeravanje prema javnom objektu ili prostoru kojem se prilazi od turističkog puta" i
- 6) znak "putokazna ploča za usmjeravanje prema auto kampu".

Član 17.

(Oblik turističkog putokaznog znaka)

- (1) Turistički putokazni znak ima oblik pravougaonika na kojem je strijelica i jedno polje sa simbolom, te jedan ili dva natpisa, odnosno natpis i udaljenost.
- (2) Položaj strijelice i simbola na putokaznom znaku su:
 - 1) s lijeve strane znaka kada se odnose na smjer "ravno" i "lijevo",
 - 2) s desne strane kada, se odnose na smjer "desno".

Član 18.

(Boja turističkog putokaznog znaka)

- (1) Turistički putokazni znak ima podlogu smeđe boje.
- (2) Umetnuta polja, natpisi i strijelice su bijele boje, a simboli su, u pravilu, crne boje.

Član 19.

(Dimenzije turističkog putokaznog znaka)

- (1) Veličine stranica turističkog putokaznog znaka, u pravilu, su: 30 x 100 cm i 30 x 160 cm.
- (2) Dužina turističkog putokaznog znaka određuje se prema dužini natpisa na znaku.
- (3) Izuzetno, ako se postavlja na isti stub sa saobraćajnim znakom, "putokaz", ima dužinu putokaza.
- (4) Visina slova, u pravilu, iznosi 14 cm.
- (5) Bijelo polje simbola je kvadratno, veličine 20 x 20cm.

Odjeljak B. Turističke putokazne ploče i putokazni panoi za smještajne objekte (hoteli, moteli, pansioni, kampovi i dr.)

Član 20.

(Značenje turističkih putokaznih ploča i putokaznih panoa)

Turističke putokazne ploče i putokazni panoi za smještajne objekte označavaju prilaze pojedinim hotelima, motelima i pansionima, u urbanim zonama i turističkim naseljima.

Član 21.

(Vrste turističkih putokaznih ploča i putokaznih panoa)

Turističke putokazne ploče i putokazni panoi za smještajne objekte čine slijedeći znakovi:

- 1) znak "putokazna ploča za smještajne objekte", označavaju pojedini hotel, motel i pansion u koji vodi put na koji putokazna ploča upućuje i
- 2) znak "putokazni pano za smještajne objekte", označava smjerove na kojima se nalaze hoteli, moteli i pansioni koji su na panou naznačeni.

Član 22.

(Oblik i dimenzije turističkih putokaznih ploča i putokaznih panoa)

- (1) Turistička putokazna ploča za smještajne objekte i pansione ima oblik pravougaonika.
- (2) Visina slova je, u pravilu, 14 cm.
- (3) Veličina stranice putokazne ploče je, u pravilu, 30 x 100 cm.
- (4) Kod turističke putokazne ploče s nizom putokaza, dužina se određuje po najdužem natpisu, tj. nazivu hotela.

Član 23.

(Oblik i boja znaka putokazni pano za smještajne objekte)

- (1) Znak "putokazni pano za smještajne objekte" je kvadratnog ili pravougaonog oblika maksimalne veličine 8 m².
- (2) Osnovna boja putokazne ploče i panoa je bijela, natpisi i strijelice su crne boje, a rubovi i ostale crte su smele.

Član 24.

(Sadržaj znaka turističke putokazne ploče)

- (1) Na gornjem dijelu turističke putokazne ploče s pojedinačnim putokazima velikim slovima se ispisiuje vrsta smještajnog objekta.
- (2) Ispod ovog natpisa ispisiuju se nazivi s oznakom kategorije hotela, motela ili pansiona grupisanim po smjerovima, prvo lijevo, a zatim desno.

- (3) Polje na kojem stoji natpis je za polovinu veće od polja za putokaze koji se nalaze ispod nje.
- (4) Položaj strijelica koje označuju smjer kretanja na putokazu i putokaznoj ploči mora odgovarati položaju saobraćajnica na terenu.

POGLAVLJE IV - ZNAKOVI ZA PRUŽANJE TURISTIČKIH INFORMACIJA

Član 25.

(Vrste znakova za pružanje turističkih informacija)

Znakovi za pružanje turističkih informacija su slijedeći:

- 1) znak "turističke informacije za određenu ponudu", upućuje na mjesta na kojima se mogu dobiti određene turističke ponude i
- 2) znak "turističko-informativna ploča", postavlja se na odmaralištima i drugim prostorima uz put koji su namijenjeni odmoru, a učesnicima u cestovnom saobraćaju pruža detaljnije informacije vezane za turizam u naselju, području ili kantonu u kojem se nalazi.

Član 26.

(Oblik, dimenzija i boja znaka turističke informacije za određenu ponudu)

- (1) Znak "turističke informacije za određenu ponudu" je pravougaonog ili kvadratnog oblika veličine do 6 m².
- (2) Podloga znaka je smeđe boje, a na umetnutim bijelim poljima su simboli i slova crne boje.
- (3) Dopunska ploča je bijela s crnim slovima.

Član 27.

(Oblik, dimenzija i boja znaka turistička informativna ploča)

- (1) Znak "turistička informativna ploča" je pravougaonog oblika, veličine do 10 m².
- (2) Uz ovaj znak, u pravilu se postavlja i znak "turističke informacije".
- (3) Turistička informativna ploča ima osnovnu podlogu smeđe boje.

POGLAVLJE V - OSTALA SIGNALIZACIJA

Odjeljak A. Znakovi za izraz dobrodošlice ili druga obilježja

Član 28.

(Postavljanje znakova za izraz dobrodošlice ili druga obavještenja)

Turistički znakovi za izraz dobrodošlice ili druga obavještenja, postavljaju se na ulazu i /ili izlazu u državu, entitet, distrikt, kanton, turističku rivijeru, grad ili općinu.

Član 29.

(Oblik i dimenzija znaka za izražavanje dobrodošlice ili druga obavještenja)

- (1) Znakovi za izražavanje dobrodošlice ili druga obavještenja su pravougaonog ili kvadratnog oblika.
- (2) Najveće dopuštene veličine znakova dobrodošlice ili drugih obavještenja su:
 - 1) do 12 m², za izraz dobrodošlice ili drugog obavještenja na ulazu i/ili izlazu u državu,
 - 2) do 10 m², za izraz dobrodošlice ili drugog obavještenja na ulazu i/ili izlazu u entitet ili distrikt,
 - 3) do 6 m², za izraz dobrodošlice ili drugog obavještenja na ulazu i/ili izlazu u kanton ili turističku rivijeru,
 - 4) do 4 m², za izraz dobrodošlice ili drugog obavještenja na ulazu i/ili izlazu u grad i
 - 5) do 2m² za izraz dobrodošlice ili drugog obavještenja na ulazu i/ili izlazu u općinu ili naseljeno mjesto
- (3) Znakove "dobrodošlice" ili druga obavještenja postavljaju nadležne turističke zajednice/ organizacije na mjestima svoje nadležnosti.

Član 30.

(Boja znaka za izražavanje dobrodošlice i drugih obavještenja)

Znakovi izraza dobrodošlice i drugih obavještenja imaju podlogu bijele boje sa smelom ivicom, a natpisi, simboli i slikovni prikaz su u više boja.

Odjeljak B. Obavještajni putokazi i obavještajne ploče za druge objekte i sadržaje u naselju

Član 31.

(Obavještajni putokaz i obavještajna ploča)

- (1) Obavještajni putokazi i obavještajne ploče su znakovi koji upućuju prema poslovno-trgovačkim zonama, važnim objektima i sadržajima u naselju (muzej, pozorište, željeznička stanica, garaža, bolnica, hitna pomoć, apoteka i dr.) i obavještavaju o održavanju izložbi, sajmovi i drugo.
- (2) Obavještajni putokazi i obavještajne ploče su:
 - 1) znak "obavještajni putokaz", upućuje na važne objekte i sadržaje u naselju i
 - 2) znak "obavještajna ploča", obavještava o važnim objektima i sadržajima u naselju ili o održavanju izložbi i sajmovi.
- (3) Znak obavještajna ploča koja obavještava o održavanju sajmovi ili izložbi je privremenog karaktera i može biti postavljena samo dok je aktualno vrijeme trajanja izložbe ili sajma.

Član 32.

(Dimenzija, oblik, boja i sadržaj znaka obavještajni putokaz)

- (1) Obavještajni putokazi su pravougaonog oblika dimenzija 30 x 100 cm i 30 x 160 cm.
- (2) Obavještajne ploče su pravougaonog oblika veličine do 6 m².
- (3) Podloga obavještajnog putokaza i obavještajne ploče je crne boje sa žutim natpisima i ivicom.
- (4) U obavještajnom znaku osim naziva može biti i simbol objekta ili sadržaja koji se označava.
- (5) Obavještajna ploča sadrži nazive, simbol i slikovni prikaz (plan) objekta.

POGLAVLJE VI - POSTAVLJANJE TURISTIČKE I OSTALE SIGNALIZACIJE

Odjeljak A. Uopćeno o postavljanju turističke i ostale signalizacije

Član 33.

(Mjesto, visina i položaj signalizacije)

Mjesta postavljanja, visina i položaj turističke i ostale signalizacije obavještavanja moraju biti takvi da:

- 1) ne zaklanjaju postavljene saobraćajne znakove,
- 2) ne odvrćaju pažnju vozača od postavljenih saobraćajnih znakova,
- 3) ne ugrožavaju kretanje pješaka i
- 4) nisu zaklonjena pješacima i parkiranim vozilima.

Član 34.

(Mjesto postavljanja turističke i ostale signalizacije)

- (1) Turistički znakovi postavljaju se u blizini turističke znamenitosti na koju se odnose, na zadnjem raskršću javnog puta s pristupnim putem koji vodi do naznačenog odredišta.
- (2) Za kulturne, prirodne, historijske i turističke znamenitosti od posebnog značaja, znakovi se mogu postavljati počev od najbližeg važnog raskršća na autoputu, magistralnom putu i ostalim putevima.

Član 35.

(Postavljanje turističke obavještajne ploče)

- (1) Ispred raskrsnice od koje se odvaja put koji vodi prema turističkoj znamenitosti postavlja se samo jedna turistička obavještajna ploča.
- (2) Turistička obavještajna ploča za slučaj iz stava (1) ovog člana postavlja se:
 - 1) na autoputevima 500 m do 1500 m prije prvog najavnog znaka koji se odnosi na raskrsnicu,

- 2) na magistralnim putevima van naselja, u pravilu, na udaljenosti najmanje 250 metara od prvog saobraćajnog znaka koji obavještava o smjeru vožnje u raskrsnici i
 - 3) na drugim putevima van naselja, u pravilu, na udaljenosti najmanje 150 metara ispred prvog saobraćajnog znaka, koji obavještava o smjeru vožnje u raskrsnici, na putevima u okviru naselja, u pravilu na udaljenosti najmanje 100 metara ispred raskrsnice.
- (3) Turistička znamenitost na koju se odnosi obavještajna ploča, u pravilu, je udaljena do 30 km od mjesta odvajanja puta koji do nje vodi.
- (4) Ako je za istu raskrsnicu prostorno vezano više znamenitosti istog ranga, na turističkoj obavještajnoj ploči mogu biti naznačene sve te znamenitosti.
- (5) Ispod turističke obavještajne ploče može se postaviti dopunska ploča sa ispisanim nazivom izlaza i udaljenosti u km.

Član 36.

(Mjesto postavljanja turističkog putokaznog znaka)

Turistički putokazni znak se, u pravilu, postavlja na putu gdje upozorava na turistički važnu znamenitost kada je saobraćaj prema odredištu pojačan ili je drumska veza koja vodi do odredišta s glavnog puta teško uočljiva.

Član 37.

(Zabrana postavljanja turističkog putokaznog znaka)

Turistički znakovi za usmjeravanje prema kulturnim, historijskim, prirodnim i turističkim znamenitostima te javnim objektima u okviru područja znamenitosti u naselju se smiju postavljati u okviru područja odnosno naselja, u pravilu na udaljenosti najmanje 30 metara ispred prvog saobraćajnog znaka obavještenja koji obavještava o smjeru vožnje u raskrsnici.

Član 38.

(Obilježavanje privrednih objekata i ustanova)

Na privredne objekte i ustanove (zabavni park, izletnički restoran, područje umjetničke kolonije i dr.) se smije upozoriti putokaznim znakom samo onda kada sadržaj ima i kulturno značenje te je pretežno prilagoden turizmu i privlači određeni turistički saobraćaj.

Član 39.

(Mjesto za postavljanje putokaza za hotele, motele i pansione)

Putokazi za hotele, motele i pansione postavljaju se na mjestima gdje postoje poteškoće u izboru pravca kretanja prema istim.

Član 40.

(Redosljed označavanja hotela i motela)

(1) Ako u naseljenom mjestu postoji više hotela i motela, redosljed označavanja se izvodi po principu najbliže udaljenosti.

(2) Pojedinačni putokazi za hotele se melusobno razdvajaju pomoću linija ili pomoću slobodnog meluproстора.

Član 41.

(Površina za postavljanje znaka za davanje turističkih i drugih informacija)

Turistički znakovi za davanje turističkih i drugih informacija postavljaju se na površinama koje nisu namijenjene saobraćaju, a da pri tome ne ometaju kretanje pješaka.

Član 42.

(Površina za postavljanje obavještajnih putokaza i obavještajnih ploča)

Obavještajni putokazi i obavještajne ploče mogu se postavljati na putevima u naselju, po pravilu, na udaljenosti najmanje 100 m ispred raskrsnice.

Odjeljak B. Postavljanje turističke i ostale signalizacije

Član 43.

(Tijelo nadležno za izdavanje odobrenja za postavljanje signalizacije)

(1) Odobrenje za postavljanje turističke i ostale signalizacije izdaje nadležno ministarstvo ili upravitelj puteva.

(2) Zahtjev upravitelju puteva podnosi turistička zajednica/organizacija sa područja svog djelovanja.

(3) Zahtjev mora biti usaglašen sa saobraćajnim projektom za put na kojem se planira postaviti znak.

Član 44.

(Turistički znakovi na autoputevima)

Na autoputevima se mogu postaviti samo turistički znakovi obavještavanja i znakovi za izraz dobrodošlice u državu, entitet i Brčko Distrikt Bosne i Hercegovine.

Član 45.

(Turistički znakovi obavještenja na autoputevima)

Na autoputu se mogu postavljati samo turistički znakovi obavještenja koji se odnose na:

- 1) gradove i objekte iz popisa svjetske kulturne i historijske baštine,
- 2) izdvojene objekte kulturne i historijske baštine najvišeg melunarodnog i nacionalnog ranga,
- 3) nacionalne parkove,

- 4) banje i liječilišta, ili
- 5) olimpijske sportske centre.

Član 46.

(Sadržaj turističkog znaka obavještanja)

Sadržaj turističkih znakova obavještanja kada se postavljaju na autoputu odnosi se na znamenitosti i objekte iz članka 45. ovog Pravilnika, kada su vidljivi s autoputa, u čijoj blizini autoput prolazi ili do kojih direktno vodi put koji se od autoputa odvaja.

Član 47.

(Zabrana postavljanja turističkog znaka obavještenja)

- (1) Turistički znakovi obavještenja na autoputu ne smiju biti u zajedničkom vidokrugu s ostalim saobraćajnim znakovima.
- (2) Melusobna udaljenost dvaju turističkih znakova obavještenja je minimalno 500 m.
- (3) Kada se prema više turističkih sadržaja izlazi na istoj raskrsnici autoputa svi sadržaji se mogu ispisati na jednom znaku.

POGLAVLJE VII - PRIJELAZNE I ZAVR[NE ODREDBE

Član 48.

(Prijelazne odredbe)

- (1) Turistička i ostala signalizacija na putevima koji nije u skladu s ovim Pravilnikom, a nale se na putevima na dan njegovog stupanja na snagu, mora se zamijeniti odnosno ukloniti do 31.12.2007. godine.
- (2) Turistička i ostala signalizacija koja nije predviđena ovim Pravilnikom, a nale se na putevima na dan njegovog donošenja, mora se ukloniti do 31.12.2007. godine

Član 49.

(Provolenje Pravilnika)

Znakovi turističke i ostale signalizacije se proizvode, postavljaju i održavaju u skladu sa važećim zakonskim propisima, kao i smjernicama, pravilima i tehničkim uvjetima.

Član 50.

(Stupanje na snagu i objavljivanje)

Ovaj Pravilnik stupa na snagu osmog dana od dana objavljivanja u "Službenom glasniku BiH", a objavljuje se i u službenim glasilima entiteta i Brčko Distrikta Bosne i Hercegovine

Broj 01-02-2-328-3/07
2. februara 2007. godine
Sarajevo